



Kvifor misjonsavtale med NMS?

Jesus sa:

«Gå difor og gjer alle folkeslag til læresveinar» (Matt. 28,18).

Han sa òg:

«Alt de vil at andre skal gjera mot dykk, skal de òg gjera mot dei» (Matt. 7,12).

I Den norske kyrkja sitt dokument *Misjon til forandring* står det blant anna: «Kyrkja og alle døypte er sende av den treeinige Gud for å dele evangeliet om Jesus Kristus i ord og handling.»

NMS sin visjon er: **Ei levande kyrkje over heile jorda.**

Gjennom å vera ein brubyggar innan det fellesskapet som utgjer den verdsvide kyrkja, ønsker vi med misjonsavtalen å: **Skape misjonsengasjement med eit lokalt og globalt perspektiv.**

NMS har verdifulle ressursar til bruk i kyrkjelydsutvikling.

SAMAN

- Deler vi trua på Jesus
- Kjempar vi mot urett
- Utryddar vi fattigdom

BARN OG UNGE

I alle dei landa der NMS er engasjert er barn og unge ei sentral målgruppe. NMS sin barne- og ungdomsorganisasjon (NMSU) har ressursar til bruk i kyrkjelyden si trusopplæring og konfirmantundervisning.

OPPFØLGING FRÅ NMS

Oppfølging skjer både via lokalt tilsette/ frivillige i Noreg og ein informant med god kjennskap til landet kyrkjelyden vel å støtte. Kyrkjelyden får nyhende-brev per e-post tre gonger årleg og kan òg sjølv kontakte informanten. Bladet MT (Misjonstidende) vert sendt kostnadsfritt seks gonger per år.

På nms.no finn ein aktuell informasjon. Kyrkjelyden får òg si eiga side på nms.no med nyhende og blogg m.m. frå landet.

Innbetaling skjer ved bruk av tilsendt KID-nummer til konto 8220 02 85057.

KYRKJELYDEN SITT ANSVAR

Kyrkjelyden legg til rette for forbøn, givarteneste, innhenting av informasjon og å skape interesse og engasjement for avtalen.



KJÆRE KYRKJELYD



KONTAKT OSS PÅ E-POST: menighet@nms.no eller TELEFON: 51 51 61 00



DELER TRUA
PÅ JESUS



UTRYDDAR
FATTIGDOM



KJEMPAR
MOT URETT

NMS tilbyr misjonsavtale med fokus på eit av følgande land:

SAMAN forandrar VI VERDA

SAMAN MED Carlisle bispedømme er vi med på å etablere møteplassar for barn og unge der dei kan bli kjende med trua på Jesus. Møteplassane kan vere lavterskeltilbod som fotball, kakao i parken, ungdomskyrkjelydar kalla «Network Youth Church» eller større samlingar med ulike aktivitetar, fellesskap og høve til å snakke om tru. Vi bidreg òg til leiartrening for unge lokale leiurar.



ENGLAND

©ISTOCK

SAMAN MED Den estiske evangelisk-lutherske kyrkja samarbeidar vi om kyrkjelyds- og kyrkjebygging i Mustamäe og Saku. Kyrkjelydane har vakse frå null til over 100 i løpet av ein tiårsperiode. Arbeid blant barn og unge er viktig sidan dette var strengt forbudt i 50 år under sovjetisk styre. Vi støttar kristent mediearbeid av og for ungdom.



ESTLAND

©NMS-INFO

SAMAN MED fleire partnerar er vi med i kristent mediearbeid og arbeid for kvinner sine rettar. Vi gir støtte til forfølgde og arbeider blant nordafrikanske migrantar i Spania. Marginaliserte og utsette grupper får på den måten støtte og hjelp til å sjå rettane sine og sin eigen verdi. Vi bidreg òg til bibelspreiing og teologisk utdanning.



MIDTAUSTEN

©MARIT MØJLSNESET/NMS



ETIOPIA

©MARIT MØJLSNESET/NMS

SAMAN MED fleire samarbeidspartnerar bidreg vi til å bygge positiv identitet for marginaliserte folkegrupper gjennom språk-, kultur- og ungdomsarbeid. Vi er med på å kjempe mot kvinneleg omskjeri, barne-ekteskap og skadar knytt til fødsel, og jobbar for kvinner sine rettar. Det vert arbeidd med omsetting av Bibelen til gumuz-språket og deler av Bibelen til andre minoritetsspråk, både munnleg og skriftleg.

SAMAN MED Den evangelisk lutherske kyrkja i Thailand er vi med på å gi barn og unge frå fattige kår ein betre start på livet. NMS støttar opplæring og kursing for kyrkja sine medarbeidarar og medlemar. Vi bidreg til å førebygge menneskehandel og til å skape sterke og trygge familiar. Vi er òg engasjerte i klimasmart jordbruk og landsbyutvikling i avsidesliggende landsbyar i Nord-Thailand.



THAILAND

©MARIT MØJLSNESET/NMS

SAMAN MED misjonærar frå fleire afrikanske land og lokale medarbeidarar driv vi eit arbeid som rettar seg mot fulaniane. Vi deler trua på Jesus i ord og handling, og Bibelen vert omsett til fulani. Vi jobbar målretta mot skadar knytt til fødsel og omskjeri hos kvinner. Gjennom produksjon av radio-program formidlar ein både kristen tru og undervisning om aktuelle tema.



MALI

©NMS-INFO

SAMAN MED kyrkja i Kina støttar vi bibel- og presteskular, bidreg med litteratur, økonomiske midlar og organisasjonsbygging. Gjennom denne strategiske innsatsen når vi mange menneske med omsorg og med budskapet om Jesus. Vi set søkelys på to provinsar i Fastlandskina, vidareutviklar arbeidet i Hongkong og samarbeidet med kyrkja på Taiwan.



KINA / HK

©UNSPASH



FRANKRIKE

©SIDE LØVDAL/NMSU

SAMAN MED Den sameina protestantiske kyrka i Frankrike har vi fokus på kristent ungdomsarbeid og kyrkjelydsplanting. Mellom anna har vi vore med på å stifte ein eigen ungdomsorganisasjon, Mission Jeunesse, som mellom anna lærer ungdom i Paris til sjølv å læra opp andre til å bli med i lovsangsband og team. Dette har vist seg å vera viktig for ungdommane og for forsamlingane.